

魏

書

一三



列傳第十七

魏書二十九

晉
奚斤

叔孫建

奚斤代人也世典馬牧父簾有寵於昭成皇帝時國有良馬曰騶騶一夜忽失求之不得後知南部大人劉庫仁所盜養於窟室簾聞而馳往取馬庫仁以國甥恃寵慙而逆擊簾簾捽其髮落傷其一乳及苻堅使庫仁與衛辰分領國部簾懼將家竄於民間庫仁求之急簾遂西奔衛辰及太祖滅衛辰簾晚乃得歸故名位後於舊

臣斤機敏有識度。登國初與長孫肥等俱統禁兵。後以斤爲侍郎。親近左右。從破慕容寶於參合。皇始初從征中原。以斤爲征東長史。拜越騎校尉典宿衛。禁旅車駕還京師。博陵勃海章武諸郡羣盜並起。所在屯聚拒害長吏。斤與略陽公元導等率山東諸軍討平之。從征高車諸部大破之。又破庫狄宥連部。徙其別部諸落於塞南。又進擊俟莫陳部。俘虜獲雜畜十餘萬至大峨谷置戍而還。遷都水使者。出爲晉兵將軍。幽

州刺史賜爵山陽侯太宗即位爲鄆兵將軍循
行州郡問民疾苦章武民劉牙聚黨爲亂斤討
平之詔以斤壯忠孝贈其父簞爲長寧子太宗
幸雲中斤留守京師昌黎王慕容伯兒收合輕
俠失志之徒李沈等三百餘人謀反斤聞而召
伯兒入天文殿東廡下窮問款引悉收其黨誅
之詔與南平公長孫嵩等俱坐朝堂錄決囚徒
太宗大閱于東郊治兵講武以斤行左丞相大
蒐於石會山車駕西巡詔斤爲先驅討越勒部

於鹿那山大破之獲馬五萬匹牛羊二十萬頭徙二萬餘家而還又詔斤與長孫嵩等八人坐止車門右聽理萬機蠕蠕犯塞令斤等追之事具蠕蠕傳拜天部大人進爵爲公命斤出入乘輶軒備威儀導從世祖之爲皇太子臨朝聽政以斤爲左輔劉義符立其大臣不附國內離阻乃遣斤收劉裕前侵河南地假斤節都督前鋒諸軍事司空公晉兵大將軍行揚州刺史率吳兵將軍公孫表等南征用表計攻滑臺不拔求

濟師太宗怒其不先略地切責之乃親南巡次中山義符東郡太守王景度捐城遁走司馬楚之等並遣使詣斤降斤自滑臺趣洛陽義符虎牢守將毛德祖遣其司馬翟廣將軍姚勇錯竇霸等率五千人據土樓以拒斤斤進擊破之廣等單馬走免盡殪其衆斤長驅至虎牢軍於汜東留表守輜重自率輕兵徇下河南穎川陳郡以南百姓無不歸附義符陳留太守嚴稜以郡降斤遂平兗豫諸郡還圍虎牢德祖拒守不下

及虎牢潰斤置守宰以撫之自魏初大將行師
唯長孫嵩距劉裕斤征河南獨給漏刻及十二
牙旗太宗崩斤乃班師世祖即位進爵宜城王
仍爲司空世祖征赫連昌遣斤率義兵將軍封
禮等督四万五千人襲蒲坂昌守將赫連乙升
聞斤將至遣使告昌使至統萬見大軍已圍其
城還告乙升曰昌已敗矣乙升懼棄蒲坂西走
斤追敗之乙升遂奔長安斤入蒲坂收其資器
百姓安業昌弟助興先守長安乙升至復與助

興棄長安西走安定斤又西據長安於是秦雍
氐羌皆來歸附與赫連定相持累戰破定定聞
昌敗遂走上邽斤追之至雍不及而還詔斤班
師斤上疏曰赫連昌亡保上邽鳩合餘燼未有
盤據之資今因其危滅之爲易請益鎧馬平昌
而還世祖曰昌亡國叛夫擊之勞傷將士且可
息兵取之不晚斤抗表固執乃許之給斤万人
遣將軍劉拔送馬三千匹與斤斤進討安定昌
退保平涼斤屯軍安定以糧竭馬死遂深壘自

固監軍侍御史安頡擊昌擒之語在頡傳昌衆復立昌弟定爲主守平涼斤自以元帥而擒昌之功更不在已深耻之乃舍輜重輕齋三日糧追定於平涼城清欲尋水而往斤不從自北道邀其走路定衆將出會一小將有罪亡入賊具告其實定知斤軍無糧乏水乃邀斤前後斤衆大潰斤及城清劉拔爲定所擒士卒死者六七千人後世祖克平涼斤等得歸免爲宰人使負酒食從駕還京師以辱之尋拜安東將軍降爵

爲公車駕將討馮文通詔斤發幽州民及密雲
丁零方餘人運攻具出南道太延初爲衛尉改
爲弘農王加征南大將軍後爲万騎大將軍出
祖大集羣臣於西堂議伐涼州斤等三十餘人
議曰河西王牧犍西垂下國雖內不純臣而外
脩職貢宜加寬宥怒其微愆去歲新征士馬疲
弊未可大舉宜且羈縻其地鹵薄略無水草
軍旣到不得久停彼聞軍來必嬰城固守攻則
難拔野無所掠終無克獲世祖不從征之涼州

平以戰功賜僮隸七十戶以斤元老賜安車平
史刑獄諮詢朝政斤聰辯彊識善於談論遠說
先朝故事雖未皆是時有所得聽者歎美之每
議大政多見從用朝廷稱焉具君九年薨時年
八十祖親臨哀慟謚曰昭王斤有數十婦子
男三十餘人

長子他觀襲爵壯祖曰斤關西之敗國有常刑
以其佐命先朝故復其爵秩將收孟明之効今
斤終其天年君臣之分全矣於是降他觀爵爲

公除廣平太守後爲都將征懸瓠卒於軍
子延襲爵出爲瓦城鎮將卒

子緒襲爵初爲散令後爲太中大夫加左將軍
開建五等封弘農郡開國侯食邑三百戶後例
降爲縣改封澄城縣開國侯增邑九百戶卒
子遵襲封卒贈鎮遠將軍洛州刺史謚曰哀侯
無子國除太和中高祖追錄先朝功臣以斤配
食廟庭世宗繼絕世詔以緒弟子鑒特紹其後
以承封邑鑒卒於中堅將軍司徒從事中郎贈

龍驤將軍肆州刺史

子紹宗武定中開府田曹參軍

他觀弟和觀太祖時內侍左右太宗以其壯典
戎御遂拜典御都尉賜爵廣興子建威將軍尋
進爲宜陽侯加龍驤將軍領牧官中郎將出爲
冀青二州刺史卒

子冀州襲爵

冀州弟受貞爲中散高宗即位拜龍驤將軍賜
爵成都侯遷給事中出爲離石鎮將

和觀弟拔太宗時內侍左右世祖即位稍遷侍中選部尚書鎮南將軍賜爵樂陵公後以罪徙邊徵爲散騎常侍從征蠕蠕戰沒

子買奴有寵於顯祖官至神部長與安成王平安國不平安國矯詔殺買奴於苑內高祖賜安國死追贈買奴爲并州刺史新興公

斤弟普回陽曲護軍

普回子烏侯世祖時拜治書御史建義將軍賜爵夷餘侯從征蠕蠕及赫連昌以功進爵城陽

公加貟外散騎常侍出爲虎牢鎮將興光中卒喪禮依其伯父弘農王故事陪葬金陵烏侯子兜世祖時親侍左右隨從征討常持御劍後以罪徙龍城尋徵爲知臣監出爲薄骨律鎮將假鎮遠將軍賜爵富城侯時高車叛圍鎮城兜擊破之斬首千餘級延興中卒

叔孫建代人也父骨爲昭成母王太后所養與皇子同列建少以智勇著稱太祖之幸賀蘭部建常從左右登國初以建爲外朝大人與安同

等十三人迭典庶事參軍國之謀隨秦王觚使
慕容垂歷六載乃還拜後將軍頃之爲都水使
者中領軍賜爵安平公加龍驤將軍出爲并州
刺史後以公事免守鄴城園太宗即位念建前
功乃以建爲正直將軍相州刺史飢胡劉虎等
聚黨反叛公孫表等爲虎所敗太宗假建前號
安平公督表等以討虎斬首萬餘級餘衆奔走
投沁而死水爲不流虜其衆十萬餘口司馬德
宗將劉裕伐姚泓令其部將王仲德爲前鋒將